

Na osnovu članova 12, 18 i 34 stav 1. Zakona o udruženjima i fondacijama Bosne i Hercegovine("Službeni glasnik BiH", broj 32/01,42/03,63/08), osnivačka skupština Udruženja neurohirurga-neurokirurga u Bosni i Hercegovini, na sjednici održanoj dana 07. 07. 2008.godine u Tuzli, donosi:

STATUT UDRUŽENJA NEUROHIRURGA-NEUROKIRURGA U BOSNI I HERCEGOVINI

Član 1.

Ovim statutom uređuje se: naziv udruženja, skraćeni naziv ukoliko postoji, i adresu udruženja; ciljeve udruženja; postupak za primanje i isključivanje članova; tijela udruženja, način na koji se biraju, ovlaštenja koja imaju, kvorum i pravila glasanja, trajanje mandata, osobu ovlaštenu da sazove skupštinu, uslove i način raspuštanja, odnosno prestanak rada; pravila za ostvarivanje, upotrebu i raspolaganje sredstvima udruženja, kao i tijelo koje je ovlašteno za nadzor nad upotrebom tih sredstava; javnost rada; postupak za izmjenu i dopunu statuta, ovlaštenje i način donošenja drugih općih akata; opis oblika i sadržaj pečata; zastupanje udruženja; uslove i postupak za pripajanje, razdvajanje, transformisanje ili raspuštanje udruženja, odnosno prestanak rada uključujući i bilo kakav poseban kvorum ili pravila za postizanje kvalifikovane većine u postupku glasanja; i postupak za raspolaganje preostalim imovinom ili drugim sredstvima u slučaju raspuštanja ili prestanka rada udruženja.

Član 2

Udruženje NEUROHIRURGA-NEUROKIRURGA u BiH (u daljem tekstu Udruženje) je dobrovoljna organizacija stručnjaka koji se bave neurohirurgijom. Udruženje se osniva radi organizovanog djelovanja na unaprijeđenje i popularizaciju medicinskih nauka, a kroz unaprijeđenje rada neurohirurga.

Član 3

Udruženje ima svojstvo pravnog lica i upisuje se u registar kod nadležnog ministarstva u skladu sa Zakonom.

1.NAZIV, SJEDIŠTE I PODRUČJE DJELOVANJA UDRUŽENJA

Član 4

Naziv Udruženja je:
UDRUŽENJE NEUROHIRURGA-NEUROKIRURGA U BOSNI HERCEGOVINI.
UDRUGA NEUROHIRURGA-NEUROKIRURGA U BOSNI HERCEGOVINI.
УДРУЖЕЊЕ НЕУРОХИРУРГА-НЕУРОКИРУРГА У БОСНИ И ХЕРЦЕГОВИНИ

Član 5

Sjedište Udruženja je na adresi u kojoj je uposlen Predsjednik udruženja, ul. Bolnička 25 71000 Sarajevo.

Član 6

Udruženje djeluje na cjelom području Bosne i Hercegovine, i može otvarati svoje urede izvan svog sjedišta na cijeloj teritoriji BiH u skladu sa Zakonom.

2. CILJEVI I DJELATNOSTI UDRUŽENJA

Član 7

Ciljevi i djelatnosti Udruženja su:

- vodi registar svojih članova;
- pomaže u zaštiti prava i ugleda svojih članova;
- prati i nadzire provođenje pravila-kodeks medicinske etike i deontologije i predlaže odgovarajuće mjere u slučaju njegovog kršenja;
- organizira strukovna usavršavanja iz oblasti neurohirurgije;
- organizira stručne sastanke, simpozije, kongrese iz oblasti neurohirurgije;
- ostvaruje razmjenu iskustava i informacija sa drugim neurohirurškim asocijacijama i udruženjima u zemlji i inostranstvu;
- sudjeluje u oblikovanju programa specijalizantskog staža i postdiplomskog neurohirurškoga usavršavanja;
- planira, prati, nadgleda sekundarijat specijalizacije i druge oblike neurohirškoga usavršavanja;
- prati i preporučuje uslove stručnoga usavršavanja za proširenje djelatnosti;
- inicira i predlaže ministarstvima, ljekarskim/liječničkim komorama i medicinskim ustanovama članove komisija za specijalističke ispite;
- prati i preporučuje sadržaj i rokove provjere stručnosti neurohirurga;
- vodi brigu i evidenciju o ljekarima koji su profesionalno izloženi riziku oštećenja zdravlja;
- podstiče kolegijalnu saradnju među članovima Udruženja;
- inicira, prati i sudjeluje u izradi standarda i normativa neurohirurških usluga;
- inicira i predlaže organiziranja mreže neurohirurške djelatnosti;
- obezbjeđuje trajnu materijalnu i finansijsku samostalnost Udruženja kroz marketinške aktivnosti, izdavačke djelatnosti i organiziranje stručnih predavanja i seminara i sl., za potrebe članstva na način predviđen Zakonom,
- inicira i podržava razmjenu iskustava i informacija sa univerzitetskim medicinskim centrima i udruženjima, drugim udruženjima i pravnim licima u zemlji i inostranstvu;
- obavlja i druge poslove i zadatke koji proističu iz programa i planova rada Udruženja.

3. POSTUPAK ZA PRIMANJE I ISKLJUČENJE IZ UDRUŽENJA

Član 8

Članstvo u Udruženju je dobrovoljno.

Član Udruženja može po pravilu biti svaki državljanin Bosne i Hercegovine koji se bavi neurohirurškom djelatnošću.

Član 9

Članstvo u Udruženju stiče se učlanjenjem od dana upisa u registar članova Udruženja i davanje izjave pristupa.

Član 10.

Svaki član Udruženja je obavezan platiti članarinu u visini koju odredi nadležni organ Udruženja.

Član 11

Udruženje donosi Odluku o visini članarine, na početku svake kalendarske godine.

Član 12

Prava i dužnosti članova Udruženja su:

- da biraju i budu birani u organe Udruženja
- da učestvuju u radu Udruženja
- da razmatraju i ocjenjuju rad organa Udruženja
- da pokreću pitanje odgovornosti i opoziva članova Udruženja
- da budu blagovremeno informisani o radu Udruženja
- da prisustvuju svim skupovima, da daju prijedloge, postavljaju pitanja i traže odgovore
- da ostvaruju određena prava i pogodnost i u skladu sa Odlukama i drugim aktima Udruženja
- da traže pomoć i podršku od Udruženja pri rješavanju socijalnih, zdravstvenih, obrazovnih i drugih pitanja
- da uživaju povlastice koje Udruženje daje ili koje ostvaruje putem drugih organa i institucija
- da se pridržavaju odredaba ovog Statuta
- da aktivno učestvuju na ostvarivanju ciljeva i izvršavanja zadataka Udruženja
- da čuvaju ugled Udruženja

Član 13

Članovi u Udruženju su ravnopravni u ostvarivanju svojih prava.

Član 14

Članstvo u Udruženju prestaje:

- smrću člana
- na osnovu pismenog obavještenja
- ne plaćanjem članarine u predviđenom roku, a najkasnije 6 mjeseci
- zbog narušavanja ugleda Udruženja, a prema odluci Upravnog odbora
- ako izdržava zatvorsku kaznu dužu od šest mjeseci, ako je pokrenut istražni postupak, ako je određen pritvor zbog izvršenja krivičnog djela

Član 15

Odluku o isključenju iz Udruženja donosi Upravni odbor. Žalba na odluku se podnosi Skupštini udruženja u roku od 15 dana od donošenja odluke. Skupština o žalbi raspravlja na prvoj narednoj sjedinici skupštine. Odluka skupštine je konačna.

4. ORGANI UDRUŽENJA

Član 16

Organi Udruženja su :

- Skupština,
- Upravni odbor,
- Predsjednik
- Nadzorni odbor,

Najviši organ Udruženja je Skupština.

Član 17

Skupštinu čine delegati iz neurohirurških jedinica BiH. Na dva člana Udruženja iz neurohirurških jedinica bira se jedan delegat skupštine. U slučaju neparnog broja članova udruženja u neurohirurškim jedinicama bira se dodatno jedan član skupštine.

Delegate u skupštinu biraju neurohirurške jedinice u BiH iz reda sopstvenih aktivnih članova neurohirurških jedinica.

Skupština se sastaje po potrebi, a najmanje jedan put godišnje. Saziva je predsjednik Udruženja 15 dana prije njenog zasijedanja. Skupštinom rukovodi predsjednik skupštine. Mandat predsjednika skupštine traje 4 godine sa pravom reizbora.

Predsjednik Udruženja je dužan sazvati Skupštinu u slučaju kada to zahtjeva najmanje 1/3 članova Skupštine ili kada to zatraži Upravni odbor ili delegati jednog od Univerzitetskih kliničkih centara najmanje 15 dana prije njenog zasijedanja.

Poziv za sjednice skupštinu se uručuje pismenom ili elektronskom poštom.

Radom Skupštine rukovodi predsjednik udruženja. Mandat Predsjednika traje četiri godine sa mogućnošću reizbora. U slučaju opravdanog odsustva ili bolesti Predsjednika udruženja mijenja predsjednik Upravnog odbora.

Skupština radi i odlučuje na osnovu Poslovnika o radu. Poslovnik o radu se usvaja na prvoj sjednici Skupštine. Dnevni red skupštine predlaže Upravni odbor udruženja. Na skupštini udruženja ne može se mijenjati dnevni red. Izjašnjavanje na sjednici Skupštine je javno. Skupština zasijeda kada sjednici prisustvuje nadpolovična većina ukupnog broja članova skupštine. Odluke skupštine su punovažne ako za odluku glasa nadpolovična većina ukupnog broja članova skupštine.

Član 18

Skupština Udruženja:

- donosi Statut, izmjene i dopune Statuta i druga akta Udruženja određena Statutom,
- odlučuje o pripajanju, razdvajanju, transformaciji, raspuštanju i prestanku rada, kao i o drugim statusnim promjenama u Udruženju,
- bira predsjednika Udruženja
- imenuje i razrješava članove Upravnog odbora,
- imenuje članove Nadzornog odbora,
- imenuje Komisije Udruženja,
- usvaja izvještaje koje je pripremio Upravni odbor,
- usvaja godišnji Program i plan rada Udruženja
- donosi finansijski plan Udruženja
- usvaja završni račun Udruženja

- obavlja druge poslove i zadatke u skladu sa zakonom, ovim Statutom i drugim opštim aktima Udruženja

Član 19

Za vršenje određenih poslova Skupština može obrazovati i druga radna tijela, odbore, sekcije i sl.

Član 20

Upravni odbor je izvršni organ Skupštine Udruženja.

Upravni odbor ima četiri člana, koji se biraju iz reda članova Skupštine Udruženja iz Univerzitetskih kliničkih centara u BiH.

Članove Upravnog odbora bira Skupština na prijedlog delegata iz sopstvenih Univerzitetskih kliničkih centara BiH. Članovi Upravnog odbora na prvoj konstituirajućoj sjednici između sebe biraju predsjednika Upravnog odbora. Rad Upravnog odbora je reguliran poslovníkom o radu upravnog odbora.

Sjednice Upravnog odbora može sazvati svaki član Upravnog odbora. Mandat članova Upravnog odbora traje četiri godine sa mogućnošću reizbora. Opoziv člana Upravnog odbora može načiniti Univerzitetska neurohirurška jedinica koja ga je i predlaga u članstvo Upravnog odbora. U slučaju bolesti ili opravdanog odsustva člana Upravnog odbora može mijenjati do prve sljedeće Skupštine udruženja delegat iz Univerzitetskog kliničkog centra odsutnog člana Upravnog odbora na prijedlog delegata iz toga Univerzitetskog kliničkog centra.

Upravni odbor:

- priprema sjednice Skupštine
- daje saglasnost za dnevni red Skupštine
- priprema nacrt Statuta i drugih akata koje donosi Skupština,
- provodi politiku, zaključke i druge Odluke koje je donijela Skupština,
- raspolaže imovinom Udruženja,
- podnosi godišnji ili periodični izvještaj o svom radu, Skupštini na usvajanje,
- obrazuje odbore Udruženja,

- Bira sekretara udruženja, vrši i druge poslove određene Statutom radi izvršavanja posebnih zadataka iz djelatnosti

Član 21

Predsjednik udruženja obavlja sljedeće poslove:

- zastupa i predstavlja Udruženje u vršenju njegove djelatnosti u skladu sa Odlukama Skupštine,
- učestvuju u radu organa Udruženja,
- odgovora za zakonitost i poslovanje Udruženja
- i obavlja druge poslove povjerene od strane Upravnog odbora utvrđene ovim Statutom i odlukama Skupštine Udruženja.

Član 22

Mandat predsjednika traje četiri godine sa pravom reizbora.

Član 23

Predsjednik Udruženja može biti razriješen i prije isteka vremena na koje je imenovan:

- na sopstveni zahtjev
- ako pravilno ne obavlja poslove i zadatke predsjednika Udruženja
- prestankom rada aktivne neurohirurške djelatnosti
- u drugim slučajevima predviđenim Zakonom i ovim Statutom

Inicijativu za razrješenje predsjednika mogu dati Skupština i Upravni odbor .

Do ponovnog izbora Predsjednika udruženja na prvoj narednoj sjednici Udruženja mijenja ga predsjednik Upravnog odbora.

Član 24

Upravni odbor radi u sjednicama na način utvrđen Poslovníkom o radu. Upravni odbor odlučuje punovažno ako sjednici prisustvuju svi članovi Upravnog odbora. Sjednicama Upravnog odbora rukovodi predsjednik Upravnog odbora

Odluke donosi jednoglasno konsezusom svih članova.

U odsutnosti Predsjednika udruženja u svim pravima i dužnostima zamijenjuje ga predsjednik Upravnog odbora.

Članu Upravnog odbora mandat može prestati i prije isteka vremena na koji je imenovan u sljedećim slučajevima:

- podnošenjem ostavke;
- opzivom;
- prestankom rada u neurohuruškom centru iz kojeg je delegiran;

Član 25

Skupština Udruženja bira članove Nadzornog odbora.

Članovi nadzornog odbora se biraju iz neurohirurških jedinica iz kojih ne dolaze članovi Upravnog odbora. Predsjednik i članovi Nadzornog odbora biraju se na period od četiri godine sa pravom ponovnog izbora. Članovi Nadzornog odbora mogu biti opozvani i prije isteka mandata na koji su birani i to u slučajevima:

- na sopstveni zahtjev,
- ukoliko ne dolaze na sjednice Nadzornog odbora tri puta uzastopno (bez opravdavajućih razloga),
- ako svojim radnjama u vezi sa radom Nadzornog odbora ruši ugled Udruženja,
- prestankom rada u aktivnoj neurohirurškoj djelatnosti

O opozivu članova Nadzornog odbora odlučuje Skupština Udruženja većinom glasova ukupnog broja Skupštine. Odluke u Nadzornom odboru se donose jednoglasno konsenzusom.

Nadzorni odbor vrši kontrolu:

- sprovođenja Statuta i drugih akata Udruženja,
- sprovođenje odluka Skupštine i Izvršnog odbora Udruženja,
- sprovođenje programa i plana rada Udruženja,
- zakonitost u oblasti finansijskog i materijalnog poslovanja Udruženja,

- sprovođenje odluka, zaključaka i drugih akata Udruženja.

Sjednicama nadzornog odbora rukovodi najstariji član Nadzornog odbora. Odluke nadzornog odbora se donose jednoglasno. Nadzorni odbor zasijeda u punom sastavu.

Član 26

Sekretar Udruženja obavlja poslove i ima ovlašćenja koja su regulisana Poslovníkom o radu Udruženja i drugim aktima. Sekretara bira Upravni odbor na prijelog Predsjednika udruženja. Mandat sekretara traje četiri godine sa mogućnošću ponovnog izbora.

Sekretar udruženja je obavlja administrativno tehničke aktivnosti u udruženju.

5. SREDSTVA UDRUŽENJA, NAČIN KORIŠTENJA I KONTROLA

Član 27.

Udruženje stiče sredstva od članarina, priloga, poklona, donacija i drugih izvora, u skladu sa zakonom.

Član 28.

Udruženje je dužno voditi poslovne knjige i sastavljati finansijske izvještaje prema propisima Bosne i Hercegovine.

Član 29.

Za finansijsko-materijalno poslovanje Udruženja odgovoran je Upravni odbor Udruženja, Predsjednik udruženja i Skupština Udruženja.

Član 30.

O raspolaganju osnovnim sredstvima, pokriću gubitaka i otpisu nenaplativih potraživanja odlučuje Upravni odbor.

6. JAVNOST RADA

Član 31

Rad Udruženja je javan.

Javnost rada ostvaruje se neposrednim informisanjem i putem sredstava javnog informisanja.

Član 32.

Članovi Udruženja moraju biti redovno i istinito informisani o radu Udruženja.

Za javnost rada odgovoran je predsjednik Udruženja.

7. IZMJENE I DOPUNE STATUTA

Član 33.

Skupština Udruženja je isključivo nadležna za izmjene i dopune Statuta. Skupština Udruženja je autentični tumač odredbi Statuta.

Član 34.

Pokretanje procedure za izmjene i dopune Statuta može pokrenuti svaki član udruženja davanjem prijedloga Upravnom odboru. Prijedlog za izmjene statuta donosi Upravni odbor. Odluka o izmjeni Statuta se donosi dvotrećinskom većinom ukupnog broja članova Udruženja.

8. OPIS, OBLIK I SADRŽAJ PEČATA

Član 35

Udruženje ima svoj pečat sljedećih karakteristika:
Pečat Udruženja je: okruglog oblika, promjera 50x15 mm u kome je koncentričnim krugovima upisan tekst registrovanog naziva Udruženja na bosanskom, srpskom, hrvatskom i engleskom jeziku.

9. ZASTUPANJE UDRUŽENJA

Član 36.

Udruženje u pravnom prometu zastupa I predstavlja predjenik Udruženja.

10. STATUSNE PROMJENE UDRUŽENJA

(pripajanje, razdvajanje, transformacija ili raspuštanje, odnosno prestanak rada Udruženja)

Član 37.

Udruženje se može spojiti ili transformisati samo u drugo udruženje ili fondaciju ili donijeti odluku o prestanku rada.

Član 38.

Odluku o spajanju odnosno transformacije ili prestanku rada udruženja donosi Skupština udruženja na prijedlog Upravnog odbora.

Član 39.

Odluke u pogledu statusnih promjena Udruženja, njegovo spajanje, transformaciju ili prstanka rada može donijeti Skupština ukoliko za Odluku glasa dvotrećinskom većinom ukupnog broja članova.

Član 40.

Odluku o raspuštanju Udruženja, može donijeti isključivo Skupština, ukoliko za Odluku glasa dvotrećinskom većinom ukupnog broja članova.

Udruženje može prestati sa radom dobrovoljno ili po sili zakona pod uslovima utvrđenim Zakonom o udruženjima i fondacijama Bosne i Hercegovine.

11. RASPOLAGANJE IMOVINOM I PREOSTALIM SREDSTVIMA UDRUŽENJA

Član 41.

Skupština Udruženja donosi odluku dvotrećinskom većinom ukupnog broja članova o načinu raspolaganja imovinom i preostalim sredstvima Udruženja, s tim da se sredstva i imovina mogu dodijeliti isključivo registrovanom nevladinom subjektu.

Pri donošenju Odluke o raspuštanju Skupština će posebnom Odlukom imenovati likvidatora u procesu likvidacije Udruženja, i regulisati način raspodjele preostale imovine.

12. POSEBNE ODREDBE

Član 42.

Udruženje možu obavljati nesrodne privredne djelatnosti (privredne djelatnosti koje nisu neposredno povezane sa ostvarivanjem osnovnih statutarnih ciljeva udruženja) samo preko posebno osnovane pravne osobe.

Odluku iz prethodnog stava donosi Upravni odbor Udruženja.

Član 43.

Udruženje ima svojstvo pravnog lica koje stiče upisom u registar Udruženja koji se vodi kod nadležnog ministarstva BiH.

Član 44.

Udruženje za svoje obaveze odgovara cjelokupnom svojom imovinom.

Član 45.

Udruženje će nastojati da razmjenjuje informacije sa Evropskom mrežom sličnih društava i to aktivnostima:

- evaluacija postojećih organizacija,
- suodlučivanje u zajedničkim projektima i ostvarenjima programskih zadataka,

Član 46

Udruženje dodjeljuje priznanja i nagrade za dugogodišnji rad, posebne zasluge ili povodom značajnijih događaja. Priznaja i nagrade mogu se dodjeljivati aktivistima, saradnicima i radnicima Udruženja, organizacijama i ostalim zaslužnim građanima.

Udruženje dodjeljuje:

-zahvalnice

-priznaja

-nagrade

Za izuzetne doprinese u radu i funkcioniranju Udruženja, Udruženje može imenovati počasnog predsjednika i počasne članove.

13. PRIJELAZNE I ZAVRŠNE ODREDBE

Član 47

Ovaj Statut stupa na snagu danom donošenja, a primjenjivat će se nakon upisa u registar kod nadležnog ministarstva

PREDSJEDNIK SKUPŠTINE
Naim Kadic

Broj: 01/08

Tuzla, 07.07.2008.godine